

Na osnovu člana 13. Zakona o organizaciji i nadležnostima kantonalnih organa uprave i upravnih organizacija ("Službeni glasnik Unsko-sanskog kantona", broj: 20/21 i 13/24), i člana 48. stav (2) Zakona o izvršavanju Budžeta Unsko-sanskog kantona za 2026. godinu ("Službeni glasnik Unsko-sanskog kantona", broj: 1/26), a na osnovu Odluke Vlade Unsko-sanskog kantona broj: 03-02-44-895/2026 od 06.08.2026. godine, Ministarstvo obrazovanja, nauke, kulture i sporta raspisuje

JAVNI POZIV

Javnog poziva za dodjelu sredstava za projekte i programe iz Granta za mlade za 2026. godinu

Član 1.

Sredstva tekućeg granta – Grant za mlade za 2026. godinu dodijeljivat će se u skladu sa Odlukom Vlade Unsko-sanskog kantona broj: 03-02-44-895/2026 od 06.08.2026. godine o utvrđivanju kriterija, uslova i postupka za dodjelu sredstava tekućeg granta – Grant za mlade za 2026. godinu.

Član 2.

Pravo prijave na ovaj Javni poziv imaju udruženja, mediji, ustanove i druga pravna lica koja nemaju status javne ustanove, a koja se bave pitanjima mladih na području Unsko-sanskog kantona, registrovana kod nadležnog ministarstva Unsko-sanskog kantona ili drugog organa kao i neprofitne organizacije koje su registrovane u skladu sa federalnim zakonima, kao i zakonima Bosne i Hercegovine, a koji djeluju i provode aktivnosti projekata i programa na području Unsko-sanskog kantona.

Član 3.

(1) Sredstva se dodjeljuju za projekte i programe od interesa za mlade koji se odnose na:

- a) poticanje mladih na demokratiju, toleranciju i ravnopravnost spolova, promovisanje volonterizma, aktivizma i timskog rada,
- b) edukacijske programe koji pospješuju aktivnosti, razvijanje organizacijskih sposobnosti i učešće mladih u javnom životu,
- c) kreativno izražavanje (književnost, likovna umjetnost, pozorište, muzika, ples, umjetnička fotografija, film, sport i slično),
- d) prevenciju ovisnosti i promociju zdravog načina života, sporta, ekologiju i zaštitu životne sredine i slično.

(2) **Pod projektom se podrazumijeva** skup međusobno povezanih aktivnosti koje se provode u određenom vremenskom periodu radi ostvarivanja jednog ili više definisanih ciljeva od interesa za mlade iz člana 3. stava (1) ovog Javnog poziva.

(3) **Pod programom se podrazumijeva** skup međusobno povezanih i planskih aktivnosti koje podnosioc prijave kontinuirano provodi tokom kalendarske/budžetske godine u skladu sa svojim osnivačkim aktom radi ostvarivanja jednog ili više definisanih ciljeva od interesa za mlade iz člana 3. stava (1) ovog Javnog poziva.

Član 4.

(1) Odabir programa i projekata vršit će se u skladu sa usvojenim općim i posebnim kriterijima:

a) **Opći kriteriji** koji se primjenjuju na sve korisnike predviđenih sredstava su slijedeći:

- da se projekti i programi provode na području Kantona i u interesu mladih na području Kantona;
- da su ciljna grupa projekata i programa mlade osobe u dobi od 15 do 30 godina;
- da se radi o projektima i programima koji odgovaraju lokalnim potrebama, te imaju pozitivan utjecaj na lokalnu zajednicu i njene stanovnike iz ciljne grupe;
- da se radi o projektima i programima asocijacija i omladinskih udruženja čije članstvo i organe upravljanja čine najmanje dvije trećine (2/3) mladih, čije su aktivnosti i statutarne djelatnosti pretežno usmjerene na mlade; odnosno, ako je korisnik pravno lice, da ima zaposlenu ili angažiranu osobu koja se bavi pitanjima mladih;
- da potiču mlade na razvoj demokratskih vrijednosti, tolerancije, ravnopravnosti spolova, volonterizma, aktivizma i timske rada, te kroz edukativne programe doprinose razvoju njihovih znanja, vještina, organizacijskih sposobnosti i učešća u javnom životu;
- da se radi o projektima i programima koji se odnose na kreativno izražavanje (književnost, likovna umjetnost, pozorište, muzika, ples, umjetnička fotografija, film, sport i slično);
- da se radi o projektima i programima od značaja za prevenciju ovisnosti, promociju zdravih stilova života, razvoj sporta, ekologiju, zaštitu životne sredine i druge aktivnosti od interesa za mlade.

b) **Posebni kriteriji** za projekte i programe mladih su:

- projekti i programi koji doprinose organizacionom jačanju asocijacija i organizacija mladih;
- kvalitet kandidiranih projekata i programa, njihov kontinuitet provođenja i značaj za širu društvenu zajednicu;
- projekti i programi koji afirmišu stvaralaštvo i učešće mladih na kongresima mladih, smotrama i takmičenjima u oblastima kulture, kreativnog izražavanja (književnost, likovna umjetnost, pozorište, muzika, ples, umjetnička fotografija, film), medija i sporta;
- projekti i programi usmjereni na prevenciju ovisnosti, promociju zdravih stilova života, razvoj sporta i slične aktivnosti;
- projekti i programi usmjereni na ekologiju i zaštitu životne sredine;
- projekti i programi koji podstiču aktivizam, volonterizam, timski rad, demokratiju, toleranciju i ravnopravnost spolova među mladima;
- edukativni projekti i programi koji doprinose razvoju znanja, vještina, organizacijskih sposobnosti i učešća mladih u javnom životu;

- dosadašnji uspjesi na domaćem i međunarodnom planu;
- projekti i programi koji imaju finansijsku podršku iz drugih izvora ili osigurano vlastito sufinansiranje.

(2) Svi projekti i programi moraju ispunjavati opće kriterije iz stava (1) tačka a) alineje 1., 2., 3. i 4. ovog člana, dok je za ispunjenje općih kriterija iz alineja 5., 6. i 7. dovoljno da su usmjereni na najmanje jednu od aktivnosti obuhvaćenu navedenim alinejama.

(3) Komisija boduje isključivo posebne kriterije iz stava (1) tačka b) ovog člana, pri čemu za svaki pojedinačni kriterij dodjeljuje od 0 do 5 bodova.

Član 5.

Podnosioci prijave dužni su dostaviti sljedeću dokumentaciju:

- a) Popunjenu, potpisanu i ovjerenu prijavu na aplikacijskom obrascu dostupnom na web stranici Vlade Unsko-sanskog kantona,
- b) Rješenje o upisu u Registar udruženja kod Ministarstva pravosuđa i uprave Unsko – sanskog kantona, ili drugog nadležnog organa u Federaciji Bosne i Hercegovine, ili Bosne i Hercegovine iz kojeg je vidljivo sjedište udruženja na području kantona i djelatnosti usmjerene na oblasti od interesa za mlade,
- c) Aktuelni izvod iz registra udruženja nadležnog organa,
- d) Rješenje o upisu u sudski registar (samo za pravna lica koja nemaju status javne ustanove, a koja se bave pitanjima mladih na području Unsko-sanskog kantona);
- e) Uvjerenje o poreznoj registraciji, odnosno ID broj (izdaje Porezna uprava KPU Unsko-sanskog kantona),
- f) Potvrdu banke o transakcijskom računu,
- g) Finansijski plan programa ili projekta tj. Plan utroška budžetskih sredstava po stavkama (Obrazac II),
- h) Ovjerena izjava nadležnog organa ovlaštenog za poslove ovjere ili notara da članstvo i organe upravljanja asocijacije ili omladinskog udruženja čine dvije trećine (2/3) mladih, a čije su aktivnosti i statutarne djelatnosti većinom usmjerene na mlade (samo ako su korisnici asocijacije ili udruženja),
- i) Ovjerena izjava nadležnog organa ovlaštenog za poslove ovjere ili notara da pravno lice ima zaposlenu ili angažiranu osobu koja se bavi pitanjima mladih (samo ako su korisnici pravna lica),
- j) Ostala dokumentacija kojom se dokazuje ispunjavanje općih i posebnih kriterija iz člana 4. ovog Javnog poziva (npr. potvrda nadležnog organa o kontinuiranosti trajanja programa/projekta, potvrda o dosadašnjim uspjesima na domaćem i međunarodnom planu, dokaz o finansijskoj podršci drugih izvora finansiranja ili osiguranog vlastitog sufinansiranja (učesća) kandidiranog projekta i sl.)

Član 6.

- (1) Prijava se dostavlja na posebno propisanom Obrascu I, koji je sastavni dio ovog Javnog poziva i dostupan je na web stranici Vlade Kantona

- (2) Prijava iz stava (1) ovog člana sadrži:
- a) informacije o podnosiocu projekta ili programa (naziv podnosioca prijave, odgovorna osoba, kontakt osoba za realizaciju projekta ili programa, broj telefona);
 - b) naziv projekta ili programa mora pratiti namjenu projekta ili programa (ne više od 8 riječi);
 - c) lokaciju implementacije projekta ili programa;
 - d) ukupan budžet projekta ili programa i izvore finansiranja;
 - e) sažetak projekta ili programa;
 - f) opći cilj i specifične ciljeve projekta ili programa;
 - g) relevantnost projekta ili programa;
 - h) očekivane rezultate;
 - i) projektne ili programske aktivnosti po fazama i vremenski okvir;
 - j) održivost projekta ili programa;
 - k) partnere na projektu ili programu (ukoliko ih ima);
 - l) budžet projekta ili programa (Obrazac II);
 - m) detalje o sufinansiranju (ukoliko postoje vlastiti ili drugi izvori finansiranja);
 - n) opis organizacije podnosioca prijave;
 - o) broj transakcijskog računa i naziv banke kod koje je otvoren račun.
- (3) **Svi podnosioci prijave po Javnom pozivu mogu dostaviti samo jedan projektni ili programski prijedlog.**
- (4) Prilikom pravdanja sredstava, Ministarstvo obrazovanja, nauke, kulture i sporta će uzeti u obzir troškove nastale u realizaciji projekata i programa i prije donošenja Odluke o usvajanju programa utroška sredstava tekućih grantova utvrđenih Budžetom Unsko-sanskog kantona, i to kod onih projekata i programa koji se realizuju u vremenskom periodu naznačenom u odobrenom projektu ili programu (u 2026. godini).

Član 7.

Neće se dodijeliti sredstva podnosiocima prijave:

- a) čija prijava je neblagovremena (dostavljene nakon proteka roka određenog Javnim pozivom);
- b) koji ne dostave kompletnu dokumentaciju koja se traži Javnim pozivom;
- c) koji dostave projekte ili programe usmjerene na oblasti suprotno onim koje su određene u Javnom pozivu;
- d) koji ne dostave prijavu u skladu sa članom 5. ovog Javnog poziva;
- e) koji za svaki trošak iz Obrasca II veći od 2.000,00 KM ne prilože predračun (osim za tačku 5. OSTALI TROŠKOVI), a za tačku 1. LJUDSKI RESURSI ukoliko ne prilože ugovore ili nacрте ugovora o angažmanu lica;
- f) koji su prethodnih godina dobili sredstva od ovog Ministarstva, a nisu opravdali utrošak sredstava;
- g) čiji troškovi iz stavki Obrasca II 1. LJUDSKI RESURSI i 2. PUTNI TROŠKOVI prelaze iznos od 3.000,00 KM.
- h) koji u Obrascu II u koloni „opis troška“ ne specificiraju vrstu troška, već navedu uopćen opis troška iz kojeg Komisija ne može jasno utvrditi preciznu namjenu utroška sredstava;

Član 8.

- (1) Prije donošenja konačne odluke o odabiru, Komisija zadržava pravo zatražiti dodatna pojašnjenja projekta ili programa od podnosioca prijave .
- (2) Preliminarna lista projekata i programa koji ispunjavaju kriterije i uslove Javnog poziva, kao i lista aplikacija čije su prijave nepotpune i neblagovremene i koje ne ispunjavaju zadane kriterije i uslove Javnog poziva, objavit će se na web stranici Vlade Kantona.
- (3) Podnosioci prijave koji se ne nalaze na preliminarnoj listi programa i projekata imaju pravo podnošenja prigovora ministru Ministarstva u roku od tri dana od dana objave preliminarne rang liste na službenoj web stranici Vlade Kantona.
- (4) Odluka o prigovoru je konačna.
- (5) Konačna lista projekata i programa koji ispunjavaju kriterije i uslove Javnog poziva objavit će se na web stranici Vlade Kantona.

Član 9.

- (1) Obrazac I i Obrazac II, kao i dokumentacija iz člana 5. ovog Javnog poziva trebaju biti dostavljeni na način da su isti uvezani i poredani prema navedenom redoslijedu iz člana 5. ovog Javnog poziva.
- (2) Projekti ili programi se dostavljaju u zatvorenoj koverti (A4 format) sa naljepnicom na koverti koja se nalazi na web stranici Vlade Kantona.
- (3) **Prijave sa potrebnom dokumentacijom dostavljaju se neposredno na protokol Vlade kantona ili preporučeno putem pošte na adresu: Alije Đerzeleza br. 2, 77000 Bihać, s naznakom "Prijava na Javni poziv za dodjelu sredstava za projekte ili programe iz Granta za mlade za 2026. godinu".**
- (4) Svi dokumenti se prilažu u originalu ili ovjerenoj kopiji koja ne smije biti starija od tri (3) mjeseca, računajući od dana objavljivanja Javnog poziva.
- (5) Rok za podnošenje prijave je petnaest (15) dana od dana objave Javnog poziva.

Broj: 10-
Bihać, 07.08.2026. godine

